

Ymgynghoriad addysg cyfrwng Cymraeg i ddechrau



Mae adolygiad o ddarpariaeth addysg uwchradd cyfrwng-Cymraeg yng nghanol a gogledd-orllewin Sir Benfro ar fin mynd i ymgynghoriad statudol ar ddydd Llun, 21 Medi.

Trafodwyd adroddiad ar yr adolygiad mewn Cyfarfod Eithriadol o Gyngor Sir Penfro ddoe (dydd Iau).

Argymhellodd yr adroddiad bod:

- Y Cyfarwyddwr Plant ac Ysgolion yn cael ei awdurdodi i ymgymryd ag ymgynghoriad statudol ar y cynnig i gau Ysgol Gymraeg Glan Cledau ac i sefydlu ysgol cyfrwng-Cymraeg 3-16 newydd yn Hwlfordd, gyda darpariaeth cyfrwng-Cymraeg ôl-16 yn Ysgol y Preseli.

Cymeradwywyd yr argymhelliad gan yr aelodau.

Bydd y ddogfen ymgynghori a ffurflen ymateb ar gael o ddydd Llun 21 Medi ar wefan y Cyngor yn www.pembrokeshire.gov.uk/haveyoursay

Y dyddiad cau ar gyfer ymateb yw 2 Tachwedd 2015.

Mae'r ymgynghoriad hefyd yn cynnwys **sesiwn gwybodaeth i'r cyhoedd.**

Cynhelir y sesiwn ar **ddydd Llun, 21 Medi** yn Archifau Sir Benfro, Prendergast, Hwlfordd o 6.30pm i 8pm.

Bydd cyfieithu ar y pryd o'r Gymraeg i'r Saesneg ar gael.

Mae lleoedd yn gyfyngedig a dylid archebu lle o flaen llaw drwy ffonio canolfan gyswllt y Cyngor Sir ar 01437 764551.

Bydd ystod eang o randdeiliaid yn cymryd rhan yn yr ymgynghoriad statudol, cyn i ddarganfyddiadau'r ymgynghoriad gael eu trafod ymhellach gan y Cyngor ac yna bydd cynnig y Cyngor yn cael ei gyhoeddi fel hysbysiad ymgynghorol.